

Pilota

Goñi II.a eta Lasa III.a ez doaz finalera

Capellan-Berna nagusi izan ziren, 22-13

Capellan eta Bernak erakutsi zuten mailari eustea ezinezko gertatu zitzaizen Goñi II.a -Lasa III.ari. Sanferminetarako Aspek antolatu 2. finalerdian Capellanez daukan joko ona agerian utzi zuen atzo Labriten. Bestalde, Goñi II.ak azken aldian izan duen bolada onak ez zuen asko balio izan Iruñean.

Erredakzioa / Iruñea

GOGOZ jokatu zuten Capellanez eta Bernak sanferminetako bigarren finalerdian. Bederatzi tantoko alde atera zien bikoteak nahiko eskas ibili ziren Goñi II.a eta Lasa III.ari. 47 minutu, besterik ez zuten behar izan markagailuak 22-13 tantorekin partidua- ren amaiera emateko. Markagailua hasieratik irabazleen alde izan zen: 1-1, 7-1, 8-3, 10-5, 15-6, 16-11, 21-11 eta 22-13. Sake- tan lortutako tantoak lau izan ziren: hiru Capellanez lortu zituenak eta bakarra Goñi II.ak eskuratu zuena.

Partiduan indartsu ibili zen- Capellan, eta jokoaren domeinu argia erakutsi zuen; Berna ere ondo ibili zen. Ezin esan daiteke gauza bera gertatu zenik Oronoz-koarekin: azken aldi honetan nahiko ondo moldatu den arren, atzo ez zen oso fin ibili, eta han- kasartze batzuk ere egin zituen Iruñean. Titinen kontra jokatu- ko lau t'erdiko partiduan ere oso urduri ibili zen Mikel, eta atzo bide hori hartu zuen.

Atzelarien artean ere, Berna nabarmen nagusitu zitzaion Lasa III.ari.

Bihar jokatu da finala • Final handia bihar goizean jokatu da Iruñeko Labrit-pilotalekuan, goi- zeko 11:30etatik aurrera. Han izango dira txapela nork eramango duen lehian, Capellan eta Berna batetik eta Galarza V.a eta Elkorro, bestetik. Baina aurretik, eta, berotzen joateko, Goñi I.a-Arroyo II.a eta Olaizola II.a eta Otxandorena aurrez aurre izango dira bikotekakoan.

Osteguneko txandan Titin III.a -Goñi III.ak Galarza V.a-Elkorro- ren kontra 15-22 galdu ondoren, atzoko bikote galtzailearen kontra partidua jokatzekoa da bihar arratsaldeko 16:30etan, Zarauzko Aritzbatalden. Hala ere, aldaketak izan dira, eta Goñi II.ak ez du partiduan parte hartuko. Haren ordez, Esain izango da Zarautzen bihar. Horien aurretik, Ortiz-Auxkin eta Haritz-Apeztegia izango dira, eta Irazola-Almandoz eta Tolosa III.a -Gabarri II.a ondoren. X

Asegarceko sanferminetako finalak erabakita daude

Arretxe-Belokik gaur jokatu dute banakakoa

Erredakzioa / Iruñea

GAUR gaueko 23:00etatik aurre- ra Labrit pilotalekuan jokatu ko diren finaletan Nagore eta Erran- donea izango dira aurrez aurre lau t'erdikoan. Binakakoan, berriz, Alustiza eta Barriolak Berasaluze VIII.a eta Armendariz- ek osatzen duten bikotea izango dute aurkari.


Ostegunean Nagore Etxanizi nagusitu zitzaion bi tantoko aldearekin. Baina, markagailuak 22-20 emaitza eman aurretik, lehia gogorra izan zen bi pilota- rien artekoa. Amaiera aldera markagailua kontra izan zuen Nagorek, 13-17 tantoko emaitza- rekin, eta hor Etxanizek irabazte- ko aukera gertu izan zuen. Hala ere, Bergarakoa arriskatu egin zen pilota geldituz, eta mar- kagailua berreskuratu zuen, garaipena lortuz.

Ondoren, binakako torneo- a ere ez zen samurra izan: Berasa- luze VIII.a eta Armendarizek lau tantoko alde atera zioten Una- nue eta Zezarrak osatzen zuten

bikoteari. Hasierako tantoak bikote galtzailearen aldekoak izan ziren, baina Berasaluze eta Armendarizek pilotaren kontrola lortu zuten berehala. Aurrelariak ederto ibili ziren, erremate ugari eginez, nahiz eta kale batzuk izan tartean. Partidu osoan Armenda- riz nagusitu zen, eta joko bikaina erakutsi zuen.

Bestalde, Etxanizek ezin izan- go du Larderon jokatu. Eskua txarto duenez, bere tokia Salabe- rriak hartuko du.

Arretxe eta Beloki aurrez aurre arratsaldean • Azken orduko aldaketak direla eta, bart gaue- rako iragarrita zegoen partidua gaur arratsaldean jokatu da. Asegarcek antolatu partidu bere- zietan, gaur arratsaldeko 17:45etan Urionaguena eta Imaz, Barberito VI.a eta Balerdi- ren kontra ariko dira Labrit pilo- talekuan bikotekakoan. Ondoren, Fernando Arretxe eta Ruben Beloki atzelarien arteko aurrez aurreko lehia ikusteko aukera izango da. X



Miguel Capellan errioxarrak Goñi II.a gaingitu zuen atzo Labriten. ANDER GILLENIA

Uztailak 11, larunbata, 17:45etan. Tele 5n

Fermin Deunaren egitaraurik onena



B a b e s l e a



BANCO BILBAO VIZCAYA

Club

FRONTON

906-42 10 00

Joka ezazu gurekin

ARRETXE vs. BELOKI

Eta gainera...

URIONAGUENA-IMAZ
BARBERITO VI-BALERDI
Iruñeko Labrit pilotalekua



Josefxo Lizartza Estiloric onena

FRONTON

&

TELECINCO

Pilotarik onena